

ایکی طرفنده آره صره اسلام - تورک کویلرینک جامع مناره لری کورنجهیه باشلامشیدی .

قطاریمز بویوک ایدیل کوریسنی بش دقیقهده مرورایدنک سامارایه واصل اولدی . بوراده ترهندن اینه جک ایدم ؛ چوجوقلغمک بر قاج سنه سنی ایچنده کچر دیکم بوکوزل شهری زیارت ایده جکدم . طلبه لک حیاتندن بوراده مدفون خاطر اتم مدرسه لری ، مکتبلری ، آشنا اولدیغ محترم سیالری کورنجه یکیدن جانلاندی . چوجوق ایکن طانیدیغ آرقداشلرمدن ، مدرسه رفیقلرمدن بمضلرینک ملتمز آراسنه طاغیله رق ایش کوردکلریغ حتی ایش باشینه کچدیکلریغ ، هر برینک مکتبلری ، مدرسه لری بولندیغنی ایشیدنجه سونیور ، اونلری بختیار بولیور ، کوکلدن تبریک ایدیوردم . بریسی الیه بر مجموعه صیقیشدیردی . باقدم ، کوردم : « اقتصاد » مجموعه سی . بالخاصه کویلی تورک - مسلمانلرک حال وسویه لری نظر دقته آلینه رق ساده ، آچیق تورکجه یازیلان بر رساله اقتصادیه . بو رساله نک وقیله چوجوق ایکن طانیدیغ ، شیمدی تحصیلی اکیال ایده رک ، سامارا مدرسه سنک ایکنجی مدرسی اولش بر هم شهریم طرفندن یازیلوب نشر ایدیلکده اولدیغنی آکلانجه جدا سوندیم . ملتمزک اک مبرم بر احتیاجنی ایفا ایتمکده بولمئسندن دولانی کندیسنه قارشى کوکلده بویوک بر حس احترام اویاندى ..

(پتمدی)

ملیم ثابت

مخصوصی اخبار لریمزده

رازلقدن :

بزم رازلقک مسلمان اهالیسی اصلاً تورکدر ، اولاد فاتحاندر . آنجق بورالره اسکان اولندقلری زمان شوپ ، یعنی بولغار قیزلرینی اهتدا ایتدروب اولندکلرندن ، کیت کیده آنادیللرینی اونوتمشلر ، بولغارجه قونوشمهیه باشلامشلردر . رازلقک بولغارجه سنده برخیلی تورک کله لری محافظه ایدیلش ایشه ده ، غلبه بولغارجه ده قالمشدر . بولغار وتورک لسانلرندن مخلوط بوللهجهیه

(بوماچه)، واونکله قونوشانلره (بوماق) دنیلیور. بوماقلرک چهره لری - بدنی تشکلری تورکدر؛ جمله سی صاغلار مسلماندیر؛ و کندیلرینه داغما تورک دیرلر بر بوماغه: «نەسک؟» دیه سورولسه، درحال: «یاسەم تورچیین الحمدالله!» دیه جواب ویریر. رازاق قصبه سی بولغارستان حدودینه یاقین اولدیغندن، بولغارستان بولغارلری مسلمان اهلایه بیلە تأثیر ایچون اوغراشمیشلر و حالاده اوغراشمق ایستیورلر، فقط انقلابدن بری آراق تورکلرده دها اولاییق داورانیورلر: اولاد فاتحانک سنیر بویینده کی مرکزلی اولان (باییاق) قریه سنده، «اتحاد و ترقی» جمعیتک همیتله مکمل، پانسیونلی برمکتب انشا اولمق اوزرە در. ملی دویغولره بک تشنه اولان محیطمیز «تورک یوردی» فی ضایت سەوهرک اوقیور. «ناصرلی اللر»، مکتب لریمیزده آذرباییلدی. بولغار وطنداشلریمیزده «یورد» دن حفظ دوییورلر. تکرری یاردیمیمیز اولسون!

... ۲۰

«تورک یوردی» — ۱۱ نچی صاییمیزده کوبریلیدن کلش مهم بر مکتوب واردی؛ اومکتوبک مدلولی شو ایکی جمله ایله خاطرلانه ییلوروز: کوبریلیده، یعنی تورک دیارینک، پایتختیه بک یاقین واکمترقی بر سنجاغنده (سلانیک سنجاغنده) بر تورک مەنق افندی به دردنی آکلتمق ایچون بر بولغارک تورکجه یه ترجا لفظی رجایه مجبور اولمشدر. حال بویله ایکن بالفان کوچوک حکومتلری واونلرک آردی صره آوروپا دولتلری تورکلره بلع و تمثیل سیاستی اسناد ایدیورلر! — رازاق غایبریمزدن آلوب بویوک تأثیرله یوقاری به درج ایتدیگمز مکتوبده هین ملی خسته لغزی مملکتیزک باشقه بر نقطه سندن خبر ویریرور: روم ایلی فی فتح ایدن تورکلرک چوچقلری بوکون تورکجه یی اونوتمشلر بولغارجه قونوشیورلر!.. بوقایغوسز لفریمز، بواهللریمز یالکز روم ایلی به منحصر دکلدرد: آناطولینک بر قاچ قاریش صوایله آیری بر بارجه سنده (ردوس) یاشاپان اولاد فاتحانده دیل لریخ اونوتمشلر، رومجه قونوشیورلر! تورکلر امین اولالی کی بویله مدنی مغلوبیتلر، محکومیتلر، سیاسیلرندن بیک قات تهلکه لیدر. سیاست محکوم اولان بر قوم دیلی، دینی، مدنی سیاه سنده موجودیتنی محافظه ایده ییلور و موجود اولان بر قوم سیاسی حیاتی ده تکرار قازانه ییلور. اکن دیلنی، دینی، مدنی غایب ایش بر قوم دیگر قومیتلر ایچنده اریمش، یوق اولش دیمکدر.